



1913-yil aprel oyidan chiqa boshlagan

Fidoyilik —
Vatanga xizmat demak!

2025-yil 26-avgust, seshanba,
97 (24.123)-son

O'zbek xalq
maqoli

Aybsiz
do'st izlagan
do'stsiz
qolar



www.zarnews.uz



https://www.facebook.com/zarnews.uz



@zarnews_uz



https://twitter.com/zarnews_uz



VATAN UCHUN, MILLAT UCHUN, XALQ UCHUN!

Имом Бухорий меросига муносиб мажмуа



Президент Шавкат Мирзиёев 25 август куни Самарқандга ташриф буюрди. Эзгу анъанага мувофиқ, аввало, Имом Бухорий макбараси зиёрат қилинди. Қуръон тиловат этилиб, дуо ўқилди.

Давлатимиз раҳбари бу ердаги бунёдкорлик ишлари-ни кўздан кечирди.

Буюк муҳаддис бобомизга бутун ислом оламида эҳти-ром баланд, унинг макбарасини кўриш истагидаги инсон-лар кўп. Шу боис зиёратчиларга шароитларни кенгайти-риш мақсадида бу ерда улкан мажмуа барпо этилмоқда.

Зиёратгоҳнинг умумий майдони 44 гектар этиб кенгайтирилган. Мўътабар макбара, 10 минг кишилиқ масжид ва маъмурият биноси қуриб битказилган. Маж-муанинг тўрт бурчагидаги 75 метрлик миноралар унга маҳобат бағишлаган.

Айни пайтда пардозлаш ишлари олиб борилмоқда. Пештоқлар ва айвон деворларига "Саҳиҳи Бухорий"дан ҳадислар битилмоқда.



ЎзА.

МУКОФОТЛАР МУБОРАК!

Президент Шавкат Мирзиёевнинг шу йил 23 августдаги фармонида кўра, Ватанимиз мустақиллигининг ўттиз тўрт йиллиги муносабати билан фан, таълим, соғлиқни сақлаш, спорт, адабиёт, маданият ва санъат соҳалари ҳамда оммавий ахборот воситалари ходимларидан бир гуруҳи давлат мукофотлари билан тақдирланди. Мукофотланганлар орасида вилоятимиздан қуйидагилар бор:

«ЎЗБЕКИСТОН РЕСПУБЛИКАСИДА ХИЗМАТ КЎРСАТГАН СПОРТЧИ»

фахрий ўнвони билан

Икромов Тахмина Изатуллоевна – Бадий гимнастика бўйича Ўзбекистон миллий терма жамоаси аъзоси.

«ДЎСТЛИК» ордени билан

Барашева Светлана Мухтаровна – Самарқанд вилояти рус драма театри олий тоифали артисти.

Бегматов Хайриддин Холиқулович – Ўзбекистон Ёзувчилар уюшмаси аъзоси, ёзувчи.

«СОҒЛОМ ТУРМУШ» медали билан

Сафарова Гўлжаҳон Сафаровна – Окдара туманидаги "Узун" оилавий шифокорлик пункти мудири.

«ШУҲРАТ» медали билан

Бахромова Дилноза Эшмирзаевна – Яққақураш спорт турларига ихтисослаштирилган спорт мактаби параджудо бўйича мураббийи.

Ғайбуллаев Ғулом Сайдалимович – Самарқанд агроинновациялар ва тадқиқотлар институтининг агро-биология факультети декани.

Тугалов Ботир Бахромович – вилояти мусикали драма театри директори.

Давлатимиз раҳбарининг 24 август куни қабул қилинган "Ўзбекистон республикаси давлат мустақиллигининг ўттиз тўрт йиллиги муносабати билан ҳарбий хизматчилар ва ҳуқуқни муҳофаза қилиш органлари ходимларидан бир гуруҳини мукофотлаш тўғрисида"ги фармонида кўра, вилоят ички ишлар бошқармаси йўл ҳаракати хавфсизлиги бошқармаси йўл-патруль хизмати инспектори **Зиятов Асамиддин Холмунинович "СОДИҚ ХИЗМАТЛАРИ УЧУН"** медали билан мукофотланди.

ДАВЛАТ МУКОФОТЛАРИ БИЛАН ТАҚДИРЛАНГАН ЮРТДОШЛАРИМИЗНИ ТАБРИКЛАЙМИЗ!

Президентимиз бу мажмуа фақат зиёрат эмас, илм-маърифат, тарбия ва ибрат маскани бўлиши кераклигини таъкидлади. Имом Бухорийнинг буюк изланишлари, билими ва камолоти бу ерга келувчилар, айниқса, ёшлар учун эзгу намуна бўлиши қайд этилди.

Шу мақсадда янги мажмуада инновацион музей ҳам ташкил этилмоқда. У ислом оламида муҳаддислар султони дея эътироф этилган Имом Бухорийнинг ҳаёти ва илмий мероси, ислом маърифати ривожига қўшган ҳиссасини намоён этади. Шунингдек, музейда Қуръони каримда исмлари зикр қилинган 25 та пайғамбар тарихи, Мухаммад алайҳиссаломнинг шажараси, Макка ва Мадинадаги ҳаёти, ҳадисларнинг жамланиши ва ёзилиши ҳақидаги маълумотлар жойлаштирилади.

Зиёратгоҳ атрофида меҳмонхона ва бошқа хизмат кўрсатиш бинолари қурилиш ишлари ҳам якуний bosқич-га кирган.

Давлатимиз раҳбари қурилишни сифатли бажариш, одамларга қулайликларни кенгайтириш, мажмуа атрофида яшил майдонларни кўпайтириш бўйича кўрсатмалар берди.

ЎзА.



Иордания Подшоҳи Самарқандга келди

Ўзбекистон Республикаси Президенти Шавкат Мирзиёевнинг таклифига биноан Иордания Ҳошимийлар Подшоҳлиги Подшоҳи Абдулла II ибн ал-Ҳусайн 25 август куни давлат ташрифи билан мамлакатимизга келди.

Самарқанд шаҳри аэропортида Иордания Подшоҳини Ўзбекистон Республикаси Президенти Шавкат Мирзиёев кутиб олди.

Олий мартабали меҳмон шарафига икки мамлакат

давлат байроқлари кўтарилди, фахрий қоровул саф тортди.

Миллий куй-қўшиқ ва рақслардан иборат тантанали маросим бўлиб ўтди.

Давлат раҳбарлари биргаликда қадимий Самарқанднинг тарихий обидаларини зиёрат қилдилар.

Ташрифнинг асосий тадбирлари 26 август куни бўлиб ўтади.

ЎзА.

Инсультни жарроҳлик йўли билан даволаш мумкин

Республика шошилинч тиббий ёрдам илмий маркази Самарқанд филиали шифокорлари томонидан юртимиз тиббиёт тизимида биринчилардан бўлиб, инсультни даволаш юзасидан янгича ёндашувлар асосида юқори технологик жарроҳлик амалиёти ўтказилди.



Филиалнинг ангиография бўлими шифокори Фаррух Қиличев раҳбарлигида тажрибали радиолог, кардиолог, невролог ва қон-томир жарроҳлари ҳам-

корлигида ўтказилган жарроҳлик амалиёти давомида Жиззах вилоят Ғаллаорол туманидан инсульт таш-хиси билан келган 34 ёшли А.Ж.да сунъий интеллект қўлланган ҳолда касалликни даволашнинг янгича ёндашуви амалга оширилди.

Беморда замонавий ангио-графия ускуналар орқали юқори сифатли тасвирлар олиниб, минимал инвазив йўл орқали бош миё қон томирларидаги тромблар очилиб, узоқ муддатли даволашнинг олди олинди. Ҳозирги вақт-

да беморнинг аҳволи қониқарли, у шифокорлар назорати остида даволанмоқда.

Яқинда Президентимиз ҳузу-рида соғлиқни сақлаш тизимини трансформация қилиш ва тиббий ёрдам сифатини ошириш бўйича ўтказилган таклифлар тақди-мотида сўнгги йилларда баъзи касалликлар қатори инсультга чалиниш ҳолатлари кўпаяётгани таассуф билан қайд этилди. Шу сабабли бирламчи бўғинда сунъ-ий интеллектни кенг қўллаган ҳолда бундай касалликларнинг олдини олиш ва даволаш бўйича янгича протокол ҳамда ёндашув-лар жорий қилиниши айтилган.

А.ХУДОЁРОВ.

Ватанимиз мустақиллигининг 34 йиллиги муносабати билан 22–23 август кунлари "Обод ва фойзли маҳалла — юрт кўрки" шиори остида ўтказилган умумхалқ хайрия ҳашари вилоятимиздаги 1081 та маҳаллада ҳам уюшқоқлик билан ташкил этилди.

Ҳашарда ҳар бир маҳаллада биттадан уй таъмирланди

Ўзбекистон маҳаллалари уюшмаси вилоят бошқармасининг маълумотларига кўра, икки кун давомида маҳаллалардаги 29450 та кўча ободонлаштирилди, 1569 та қабристон ва 257 та зиёратгоҳ тартибга келтирилди, 1982 тонна майиш чиқинди олиб чиқилди.

– Ҳашар давомида халқимизга хос меҳр-му-рувват, бағрикенглик кўрсатилиб, 6846 нафар бokuвчисини йўқотганлар, ёлғиз кексалар ва ногиронлиги бўлган шахслар ҳолидан хабар олинди, уларнинг уй-жойлари тартибга келти-рилди, – дейди бошқарма масъул ходими Юсуф Салимов. – Умуман, Мустақиллик байрами олдида вилоятимиздаги ҳар бир маҳалладан биттадан, жами 1081 та кам таъминланган оиланинг хонадони маҳаллалар раислари бошчилигида ҳомийлар ва ташаббускорлар томонидан таъмирланаётган эди, ҳашар кун-лари бу ишлар якунига етказилди. Жумладан, Тойлоқ тумани Чароғбон маҳалласидаги кам таъминланган фуқаро М.Пардаевнинг 4 хо-нали уйи таъмирланган бўлса, Нуробод тумани Улус маҳалласида яшовчи, ногиронлиги бўлган И.Бутуновнинг хонадонига "Маҳалла" жамғар-маси маблағи ҳисобидан 5 кВт.ли қуёш панели ўрнатилди.

Ўтказилган ҳашар тадбирлари доирасида ҳомийлар ва ташаббускорлар томонидан 57,1 километр ички йўллар асфальтлаштирилди, 312 километри шағаллаштирилди, 8,8 кило-метр пидедалар йўлаги барпо этилди. 187 та трансформатор таъмирланиб, 843 та темир-бе-тон устун ва 449 та тунги ёритиш чироқлари ўрнатилди.

Фаол фермерлар рағбатлантирилди

Самарқанд шаҳрида фермер хўжаликларида кўп тармоқ-ли фаолиятни ривожлантириш муаммолари ва вазифалари мавзусида амалий конференция ўтказилди.

Мамлакатимиз қишлоқ хўжалиги соҳасини ривожлантириш ва озиқ-овқат хавфсизлигини таъминлашга муносиб ҳисса-сини қўшиб келаётган илғор фермерларни рағбатлантириш ҳамда соҳадаги мавжуд муаммолар ва таклифларни ешитиш мақсадида ташкил этилган конференцияда вилоят ҳокими вазифасини бажарувчи А.Бобоев ва Республика фермерлар кенгаши раиси А.Ҳайтов иштирок этди.

– Кейинги йилларда иқлим ўзгаришининг салбий оқибатлари келтириб чиқараётган муаммолар ва дунёдаги беқарор геосиё-сий вазият ҳар бир давлат олдида кечиктириб бўлмайдиган чо-ра-тадбирларни амалга оширишдек масъулиятли вазифаларни қўймоқда, – дейди Ўзбекистон Фермерлари кенгаши раиси Ақтам Ҳайтов. – Айни пайтда аҳолининг сифатли қишлоқ хўжалиги ва

озиқ-овқат маҳсулотларига бўлган эҳтиёжи ошиб бормоқда. Шунинг учун деҳқон-фермерларимиз томонидан жорий йилда 9 миллион тонна дон, 16 миллион тоннадан зиёд полиз-сабзавот, 5 миллион тонна мева ва узум, 4 миллион тонна картошка, 15 миллион тоннадан кўп гўшт ва сут етиштирилмоқда. Кейинги уч йилда маҳсулот етиштирувчиларни молиявий қўллаб-қувватлаш мақсадида 50 дан ортиқ янги субсидия турлари жорий этилди. Бунинг натижасида ҳар гектар ердан олиннадиган ҳосилни янада кўпайтириш, пахтадан 55-60 центнер, ғалладан 80-100 центнер ҳосилдорликка эришиш, шу орқали даромадни 1,5-2 баробар ошириш, янги иш жойлари яратишимиз лозим.

Конференция давомида вилоятимизда фаолият юритаётган фаол фермерларга "Илғор фермер" кўкрак нишони ҳамда Ўзбекистон Фермерлари кенгаши томонидан соғломлаштириш оромгоҳларида дам олиш ва соғлигини тиклаш учун йўллан-малар тақдим этилди.



Қурилишдаги қинғирликлар

инспекция назорати остида бартараф этилмоқда

Бугун нима кўп – қурилиш кўп. Исталган шахар ва қишлоққа боринг, янги қурилаётган, таъмирланаётган бино ва иншоотларни кўрасиз. Қувонасиз-а? Янги уйлар, равон йўллар, янги мактаб ва боғчалар, шифо масканлари, савдо ва хизмат кўрсатиш объектлари, йирик завод ва ишлаб чиқариш корхоналари – барча-барчаси юрт ободлигидан нишона, одамлар учун қулай, юқори даражадаги турмуш шароити яратилаётганидан далолат.

Аммо баъзида қурилиш объектларида “мендан кетгунча эгасига етгунча” қабилида иш тўтилаётгани, давлат томонидан ажратилаётган катта-катта маблағ мақсадсиз ишлатилаётганини кўриб, хафсалангиз пир бўлади.

Вилоят қурилиш ва уй-жой коммунал хўжалиги соҳасида назорат қилиш ҳудудий инспекциясининг жорий йил олти ойидаги фаолиятига назар ташлаб, улар томонидан ўтказилган назорат ва мониторинг тадбирларида бир қатор шундай ҳолатлар қайд этилганини кўрдик.

Масалан, Ургут тумани Ка-монгарон кўчасида қурилаётган савдо комплекси биноси котлован нишаблиги қурилиш меъёрлари-га зид бажарилган. Паст Даргом тумани Чортут маҳалласида барпо этилаётган кўп қаватли бинога олиб келинган бетон плиталарнинг сифати белгиланган талабларга мос эмас. Окдарё тумани Бошдар-хон маҳалласида қурилаётган мактаб биносининг хоналар ора деворлари белгиланган талабларга зид равишда лой-тупроқ қоришма билан терилган. Булунгур тумани Олмазор маҳалласидаги “Янги Ўзбекистон” массивида 300 ўринли янги мактаб биноси ҳамда 12х24 ўлчамдаги спорт зали пойдевори қурилишида бир қатор камчилик-лар аниқланган.

Қурилишларда йўл қўйилган камчиликлар юзасидан қурилиш ташкилоти масъулларига тушунча берилиб, аниқланган нуқсонлар жойида бартараф этилган.

Инспекция томонидан ҳозирда вилоятимиздаги 2925 та қурилиш объектида назорат ишлари олиб борилмоқда. Йилнинг биринчи ярмида мазкур объектларда 18214 маротаба мониторинг ўтказилди ва аниқланган камчиликларни бартараф этиш юзасидан қури-лишга масъулларга 10301 та ёзма кўрсатмалар берилди. Қурилиш объектларида қўлланилган сифат-сиз қурилиш материаллари ва бўюмлари юзасидан 36 та ташки-лотта тақдимномалар киритилди.

524 ҳолатда эса сифатсиз қури-лиш-монтаж ишлари буздирилди. Аниқланган ҳуқуқбузарликлар юзасидан 544 ҳолатда инспекция ваколоти доирасида маъмурий жарималар расмийлаштирилди. Лойиҳалаштиришда камчиликларга йўл қўйганлиги учун 4 та масъул ташкилотнинг лицензия ва рухсат берувчи ҳужжатларини бекор қи-лиш бўйича тегишли ташкилотлар-га тақдимномалар киритилди.

Бундан ташқари, кўп кварти-рали уй-жой фондини бошқариш борасидаги ишлар ҳам мунтазам ўрганиб борилмоқда. Йил боши-дан буён вилоятда мавжуд 2650 та кўп квартиралар уйнинг 1393 таси техник ҳолати ўрганилган-да 197 та қонунбузилиш ҳолати аниқланиб, уларни бартараф этиш юзасидан тегишли ташкилотларга ёзма кўрсатмалар берилди.

Мисол учун, Самарқанд шахар Катта арик маҳалласида жой-лашган кўп қаватли тураржой биносининг ички таянч ва тўсқич конструкциясига шикаст етказган ҳолда фуқаро томонидан ноқо-нуний тарзда эшик очилганлиги аниқланди. Бу фуқарога нисба-тан 7,5 миллион сўм миқдорида маъмурий жарима қўлланилиб, нуқсон ихтёрий равишда бартар-аф қилинган.

Кўп қаватли уйларда аниқлан-ган шу каби 124 та ҳуқуқбузарлик бартараф этилиб, 13 та ҳолат бўйича судларга даъво аризалари киритилди.

Қурилишдаги камчилик ва нуқсонлар ҳали бино, иншоот қурилаётган пайтда аниқланиб, бартараф этилгани яхши, албатта. Аммо бундай камчиликлар инс-пекция назорати ёки бююртмачи эътиборидан четда қолиб кетса нима бўлади? Бундай ҳолатлар учрамади, деб айта оламизми? Афсуски, бунга ҳеч ким кафолат бера олмайди. Буёғи қурувчининг, қурилиш материаллари ишлаб чиқарувчининг зиммасидаги масъулиятни қай даражада ҳис қилишига, виждонига боғлиқми?

Ғолиб ҲАСАНОВ.

2025 йил 27 январда Президентимизнинг “Уй-жой қурилиши соҳасини янада ривожлантириш, турар ва нотураржой объектларини улуш киритиш асосида қуриш жараёнини тартибга солиш механизмларини тақомиллаштириш чора-тадбирлари тўғрисида”ги фармони қабул қилинганди. Ушбу фармон турар ва нотураржой объектларини улуш киритиш асосида қуриш жараёнини тартибга солишга қаратилган аниқ механизмларни белгилаб берди.

Бунда аввало, улушли қурилиш иштирокчилари бўлган жисмоний ва юридик шахсларнинг ҳуқуқла-рини ҳимоя қилиш, уй-жойларни ва бошқа кўчмас мулк объектларини ҳамда ипотека кредити асосида сотиб олишнинг ишончли ва самарали имкониятлари яратилди. Энди қурилишга улуш киритиш фақат нота-риал тасдиқланган ва кадастр органларида белгилан-ган тартибда расмийлаштирилган шартнома асосида амалга оширилади.

Ушбу фармонга асосан, жорий йил 1 июлидан қурувчи ва мижоз ўртасидаги улуш киритиш шартно-малари мажбурий тартибда нотариусда тасдиқланиши ва кадастр рўйхатидан ўтказилиши шарт. Бунда шарт-нома кадастр органларида рўйхатдан ўтказилганда, улушдорда, яъни сотиб олувчида талаб қилиш ҳуқуқи вужудга келади.

Яъни, шу санадан эътиборан қурилишда янги механизм - “Эскроу” тизими жорий этилди. Бу тизим улушдор, яъни уй-жой сотиб олиш истагидаги хари-дорнинг ҳуқуқларини тўлиқ ҳимоялаб, тўлов пуллари ишончли сақланишини кафолатлайди.

Эскроу тизими - қурувчи ва харидор ўртасидаги олди-сотдининг янгича шакли. Эндиликда ҳали битма-ган уйдан квартира сотиб оломқчи бўлган фуқаро ўша уйга ўз маблағларини тикиш орқали улушдорга айла-нади. Бунинг учун қурувчи, яъни девелопернинг ўзига

“Ўзбекистон – 2030”



Овчилар маҳоратини оширишга шароит зарур

“Юксалиш” ҳаракати вилоят бўлинмаси ташаббуси билан ЎзННТМА вилоят ҳудудий бўлинмаси ҳамда Тараққиёт стратегиясини қўллаб-қувватлаш бўйича вилоят жамоат-чилик гуруҳи аъзолари вилоятда ўқ отиш спортини ривожлантириш борасидаги ишлар-ни ўрганди.

Жамоатчилик гуруҳи дастлаб Марказий ҳарбий округга қарашли Каттақўрғон ҳарбий полигониди бўлиб, овчиларнинг машғулот ўтказиши учун махсус жой ажратилмаган-лигига эътибор қаратишди. Полигонда ов-чиларнинг муқобил машғулот ўтказишлари учун зарур шарт-шароитлар яратилмаган. Шунингдек, Ўзбекистон овчи ва балиқчилар спорт бирлашмаси, мудофаага кўмаклашувчи “Ватанпарвар” ташкилоти ҳамда мудофаа вазирлиги ўртасида ҳамкорлик тўғрисида тузилган меморандумга асосан, вилоятда ўқ отиш спортига ихтисослаштирилган янги махсус полигонларни ташкил этиш учун зар-рур бўлган ер майдони ажратилмаган.

Нуробод туманидаги “Сазағон” ҳарбий полигониди ер майдони ажратилган бўлиши-га қарамасдан, янги полигон махсус жиҳоз-ланмаган, молиялаштириш ишлари охирига етказилмаганлиги сабабли ханузгача фой-даланишга топширилмаган.

Нодир ҚУДРАТОВ,
“Юксалиш” ҳаракати вилоят бўлинмаси бош мутахассиси.

Депутат минбари



Масъуллар масъулиятини унутса...

Сайлов округимда охирги марта жорий йил 1 июль куни Лолазор маҳалласида сайёр қабул ташкил қилдим. Қабул жараёнида йўл қурилиши, имтиёзли тиббий хизмат, коммунал соҳаларга доир ўндан зиёд мурожаат тушди.

Барча мурожаатлар юзасидан тегишли чора-тадбир-лар белгиланган. Аниқроғи, ижро органлари мутасадди-лари билан муаммолар ечими бўйича иш олиб бораёلمиз.

Аммо сайловчиларим кўтарган айрим масалалар бор-ки, улар бўйича нима дейишга ҳам ҳайронман.

Жумладан, Навбахор, Нуробод, Ҳамид Олимжон маҳаллалари аҳолиси томонидан Яхё Ғуломов ва Лев Толстой кўчаларида жамоат транспорти хизмати йўқ. Ушбу йўналишда автобус йўлга қўйиш юзасидан вилоят транспорт бошқармаси бошлиғи номига депутат сўрови юборганман.

Тошкент кимё халқаро университети Самарқанд филиали раҳбарияти таълим муассасаси жойлашган Аҳмад Яссавий маҳалласи Ҳабиб Абдуллаев кўчасида йўл ҳаракати хавфсизлиги ҳолати жуда оғир эканлиги, тегишли йўл белгиларига эҳтиёж мавжудлиги, ҳайдов-чилар тезлик меъёрларига умуман риоя этмаётганлиги

юзасидан шикоят қилган.

Мингтут маҳалласида жойлашган “Ал-Хоразмий” ху-сусий мактаби олдида ўқувчилар хавфсизлигини таъмин-лаш мақсадида йўлдан ўтиш учун пиёдалар йўлағи ва тегишли йўл белгисига эҳтиёж бор.

Ушбу масалалар юзасидан Самарқанд шахар ИИБ Йўл ҳаракати хавфсизлиги бошқармаси бошлиғига депутат сўрови юборганман.

Шунингдек, Лолазор маҳалласида жойлашган Жўра Зокиров кўчасидаги эски чашма (булоқ)ни маданий мерос рўйхатига киритишни сўраб вилоят маданий мерос бошқармасига сўров чиқарганман.

Афсуски, қайд қилинган депутатлик сўровларимда келтирилган муаммолар ханузгача ечим топмади.

Ҳазратдин ҒАЙБУЛЛАЕВ,
халқ депутатлари Самарқанд шахар Кенгаши депутати.

ЭСКРОУ

қурилиш соҳасида шаффофликни таъминлайди



эмас, банкка тўлов қилади. Улушдорнинг тўлаган пул-лари алоҳида эскроу ҳисоб varaғида йиғилиб бори-лади. Уй битмагунча қурувчи компания бу пуллардан фойдалана олмайди. Тураржойни эса ўз маблағлари ёки банк кредити асосида қуриб битказади.

Улушли шартнома орқали девелопер кўрсатил-ган уйни қуриб, ўз вақтида топшириш мажбуриятини олади. Банк эса улушдорнинг пул маблағлари эскроу ҳисоб varaғида йиғилиши, хавфсиз сақланиши, шу-нингдек, уй-жой қурилишини лойиҳавий молиялашти-ришни ва бу билан уй-жойни ўз вақтида сифатли қуриб, эгасига етказиб беришни кафолатлайди.

Эскроу тизими доирасида “Шаффоф қурилиш” миллий ахборот тизимида уй-жойлар қурилиши бў-йича ягона шаффоф электрон платформа яратилди ва ушбу тизим 2025 йил 1 июлдан ишга туширилди. Девелоперлар уй-жойни шу платформада рўйхатга қўймасдан, аҳоли маблағларини улуш киритиш асоси-да жалб қила олмайди.

Девелопер объектини платформага киритгач, банк томонидан уйни ўз вақтида қура олиш имкониятлари ўрганилади. Қурилиш жараёнида ишнинг бажарилиш графиги назорат қилиб борилади. Лойиҳавий молия-лаштиришдан қўзланган мақсад ҳам шу.

Электрон платформада қурувчи компания ва объ-

ект ҳақидаги барча маълумотлар, хусусан, объектнинг лойиҳа бўйича жойлашган аниқ манзили, қаватлари, кириш йўлаклари, қолаверса, компаниянинг лойиҳа-вий ҳужжатлари, ижобий экспертиза хулосаси, қури-лиш бошлангандан сана ва фойдаланишга топшириш муддати каби маълумотлар жамлаб борилади. Бу ахборотларни харидорлар ҳам платформада кузатиб боришлари мумкин. Яъни, қурувчи рухсатномасининг мавжудлиги, рейтингини ва олдинги лойиҳалари ҳақида библи олишлари мумкин бўлади. Қурилиш жараёнла-рининг платформа орқали шаффоф кузатиб борилиши ўз навбатида уй-жой қурилиши бозоридаги инве-стициялар хавфсизлиги ва ишончли девелоперлар бозорининг шаклланишига хизмат қилади. Шу асосда мамлакатимизда девелопер-қурувчиларнинг янги шаффоф рейтинг тизими шаклланади.

Қурилиш битиб, харидор хонадонни қабул қил-гач, унинг банк ҳисобvaraғидаги пуллари девелопер ташкилотга йўналтирилади. Қурувчи ўз мажбурият-ларини бажармаган тақдирда бу пул фуқарога тўлиқ миқдорда қайтариб берилади. Яъни, уй битмай қолса, харидор қуйиб қолмайди, банкка қўйган пулларини муаммосиз қайтариб олади.

Шундай қилиб, жорий йилнинг 1 июлидан улуш киритиш асосидаги қурилишларда қурувчи ва харидор ўртасидаги олди-сотдининг шакли ва мазмуни ўзгар-ди. Мазкур тартиб йил охиригача ихтиёрий бўлади, 2026 йил 1 январдан эса қурилишда маблағларини жалб қилиш фақат эскроу ҳисобvaraғи орқали амалга оширилади. Шу тарзда янги қурилаётган уйлари бел-гиланган муддатларда эгаларига топшириш ва аҳоли тўлаган пулларининг музлаб қолмаслиги тўлиқ янги тизим назоратига ўтади.

Сарвар БОБОНАЗАРОВ,
вилоят қурилиш ва уй-жой коммуна хўжалиги бош бошқармаси ахборот хизмати раҳбари.

Viloyatimizda joriy yilning birinchi yarmida yoshlar oʻrtasida 494 ta jinoyat sodir etilgan boʻlib, oʻtgan yilning mos davriga nisbatan 9,1 foizga oshgan.

Samarqand shahrida 101 ta, Past Dargʻomda 71 ta, Urgutda 45 ta, Payariqda 32 ta, Kattaqoʻrgʻon tumanida 30 ta, Narpayda 27 ta, Ishtixonda 26 ta, Nurobod, Oqdaryo hamda Toyloqda 23 tadan jinoyat sodir etilganligi sababli ushbu hududlar krimingon hudud boʻlib qolmoqda.

Qatorterakdagi jinoyatlar sababi nimada?



Sodir etilayotgan jinoyatlarning sabablari, huquqbuzarliklarning oldi- ni olish borasida hududlarda amalga oshirilayotgan ishlar bilan tanishish maqsadida ayrim mahallalarda boʻldik.

Past Dargʻom tumani Qatorterak mahallasida yilning oʻtgan davrida 10 ta jinoyat sodir etilgan boʻlib, ularning 4 tasi yoshlar oʻrtasidagi huquqbuzarlikdir.

- Bunga bir necha sabablar bor, - deydi mahalla raisi Otabek Rustamov. - Mahallamizda buyum bozori, dehqon bozori va taxta bozori joylashgan. Shuningdek, “Afgʻon bozori” nomi bilan ataluv- chi, tadbirkorlar oʻzboshimchalik bilan egallab olgan joy bor edi. Aprel oyida uning faoliyati toʻxtatildi. Bozor hududi va koʻchalarga 120 ta kamera oʻrnatildi. May oyidan boshlab mahallada bironta jinoyat sodir etilmadi.

- Hududimizda yil boshidan beri yoshlar oʻrtasida 4 ta jinoyat so- dir qilindi, - deydi mahalla yoshlar yetakchisi Abdumalik Quvondiqov. - 2 tasi oʻgʻrilik, biri bezorilik, biri yoʻl transport hodisasi. Ammo bu huquqbuzarliklarda mahallamiz yoshlari ishtirok etmagan. Barchasi boshqa mahalla fuqarolari tomoni- dan sodir etilgan. Ana shunday koʻngilsizliklarning takrorlanmasligi uchun qoʻshni mahalla yoshlari bilan

hamkorlikda ishlayapmiz. “Qalqon” guruhlari tashkil qilinib, tungi rey- d tadbirlari oʻtkazib kelinyapti.

Mahallada sodir etilayotgan jinoyatlar koʻpligi sababli hudud “qizil” toifada.

- Oʻtgan yilning 6 oyida hudud- da 12 ta jinoyat boʻlgan, - deydi mahalla profilaktika inspektori Si- ro-jiddin Saidmurodov. - Joriy yilning yarmida esa 10 ta jinoyat sodir etilib, 2 taga kamaydi, ammo bu bilan maqtan olmaymiz, albatta. Ma- halla “qizil” toifada boʻlgani uchun hududga huquq - tartibot maskani tashkil etildi. U Qatorterak va uning atrofidagi Kichiknayman, Temurxoʻja hamda Yangiobod mahallalari uchun xizmat qiladi. Yaʼni, hudud- ga birkiritilgan ichki ishlar organlari xodimlari, profilaktika inspektorlari birlashib, mahallalarda jinoyatchilik- ning oldini olish boʻyicha ish olib boramiz.

Samarqand shahridagi Qorasuv massivida 4 ta mahalla mavjud. Ularning biri Bahodir Yalangtoʻsh mahallasida 4 ta jinoyat yoshlar tomonidan sodir etilgan. Aslida esa vaziyat sal boshqacharoq ekan.

- Sodir etilgan jinoyatlarning aksariyati qoʻshni mahallalar hudu- dida boʻlgan, - deydi mahalla raisi Akbar Nurmurodov. - Masʼullarning eʼtiborsizligi sabab bu jinoyatlar Bahodir Yalangtoʻsh mahallasida,

deya qogʻozga tushirilgan. Mahalla- mizda birgina jinoyat sodir etilgan, u ham boʻlsa boshqa hudud, yaʼni Oqdaryo tumani fuqarolari ishtiroki- da boʻlgan. Aslida massivimizdagi barcha mahallaning tashvishini bizniki emas, deb ayto olmaymiz, lekin koʻpgina tushunmovchiliklar, masʼullarning roʻyxatga olishda qilgan xatolari tufayli kimningdir oʻrniga boshqa birov jabrlanyapti, zarar koʻrlyapti. Kadastar hujjatlarini rasmiylashtirishdayam soha masʼul- lari, qurilish tashkilotlari vakillari eʼtiborsizlik qilaypti. Bir mahallada qurilgan koʻp qavatli uyning manzili boshqa bir mahallada joylashgan deb koʻrsatilyapti.

Ha, toʻrt mahallani oʻz ichiga olgan yangi shaharchaning qay bir hududiga bormang, huquqbuzarlik sodir etilishi mumkin boʻlgan holatlar- ga guvoh boʻlasiz. Masalan, 80-mak- tabga eltuvchi ayrim koʻchalarda piyodalar uchun yoʻlaklar yoʻq. Borlari ham yaroqsiz, odamlar emin-er- kin yurolmaydi. Ichki yoʻllarni qoʻya turaylik, shaharchaning markaziy koʻchalari ham avtomobillar harakat- lanishi uchun noqulay. Massivida yashovchi aholi kechki payt dam olish uchun “Yangi Oʻzbekiston” bogʻiga boradi. Afsuski, bogʻda oʻrnatilgan chiroqlarning hech biri yoritish uchun xizmat qilmayapti. Qorongʻi bogʻda, chiroqsiz va yaroqsiz yoʻllarda huquqbuzarlik sodir etilmaydi, deb kim kafolat bera oladi?

- Mahallamizda 300 dan ziyod videokamera oʻrnatilgan, - deydi A.Nurmurodov. - Hududimizda koʻp qavatli uylar soni koʻpligi, aholi zich joylashgani uchun ham bu yetarli emas. Shuning uchun yana 55 ta kamera oʻrnatish rejalashtirilgan. Shuningdek, qorongʻi hududlari- mizni yoritish choralari koʻrilyapti.

Guvohi boʻlganingizdek, bir hududda sodir etilayotgan jinoyat birgina mahallaga tegishli emas. Bunda barcha masʼul tashkilot- lar, ota-onalar, keng jamoatchilik vakillari vijdonan, bir yoqadan bosh chiqarib ishlamas ekan, ijobiy natija- ga erishib boʻlmaydi.


Toʻliqin SIDDIQOV,
Baxtiyor MUSTANOV (surat).



O'ZBEKISTON KASABA UYUSHMALARI FEDERATSIYASINING SAMARQAND VILOYATI KENGASHI

*viloyatimiz ahli va mehmonlarini
istiqlolimizning*
34 YILLIGI
bilan muborakbod etadi!

Qutlovlar



“URGUT SAVDO KOMPLEKSI”

MAS'ULIYATI CHEKLANGAN
JAMIYATI JAMOASI

Xalqimizni

MUSTAQILLIK KUNI

bilan tabriklaydi!

Чўл ва ярим чўл яйловларида ҳосилдорликни ошириш мумкин(ми?)

Чўл яйлов чорвачилигининг асосий озуқа манбаи ва улардан деярли йил давомида фойдаланилади. Бундай яйловлар вилоятимизда 700 минг гектардан ортиқ майдонни ташкил қилади. Масалан, Нуробод туманининг аксарият қисмини эгаллаган Қарнабчўл яйлов чорвачилиги ривожланган йирик ҳудудлардан бири ҳисобланади. Қарнабчўл яйловларининг ўсимлик қоплами асосан шувоқ-эфемерли ўсимлигидан ташкил топган бўлиб, ҳосилдорлиги нисбатан паст, гектаридан ўртача 2,5-3 центнер қуруқ массани ташкил қилади. Қўрғоқчил йилларда эса ҳосилдорлик 2-3 маротаба пасайиб кетади.

Яйловлардан узлуксиз фойдаланиш натижасида ҳозирги кунда катта майдонларда яйлов инкйрози юзага келган. Бунинг натижасида яйловларнинг ўсимлик қоплами сийраклашиб, ҳосилдорлиги ва яйлов озукаси тўйимлилиқ даражаси пасайиб бормоқда. Бундай ҳолат бутун республикамизда фойдаланиб келинаётган яйловларда юз бермоқда. Ҳозирги кунда қарийб 9 миллион гектар яйловда ҳосилдорлик гектарига 20 фоизга, 5 миллион гектарда 30 фоизга, 2 миллион гектарда 40 фоиз ва ундан ортиқча пасайган.

Қоракўлчилик ва чўл экологияси илмий-тадқиқот институтида чўл яйловларидан рационал фойдаланишнинг илмий асосларини ишлаб чиқиш, табиий флорадан чўл минтақасининг экстремал шароитлари-га бардошли, қимматли озукавий хусусиятларга эга бўлган ўсимлик турларини излаб топиш йўналишларида илмий-тадқиқот ишлари олиб борилмоқда. Шунингдек, институтида чўл озукабоп ўсимликлари интродукцияси, селекцияси ва уруғчилиги йўналишларида кенг қамровли илмий-тадқиқот ишлари олиб борилмоқда. Қимматли озукабоп ўсимлик турларидан бўлган изен, терескен, қўйровуқ, камфоросма, чўғон, эркак ўт, оқ ва қора саксовуллар сингари ўсимлик турларининг 1200 намунасида иборат тирик генофонди сақланиб келинмоқда. Уларнинг экологик-биологик, ҳўжалиқбоп хусусиятларини қиёсий ўрганиш натижасида Ўзбекистон чўлларининг турли тўпроқ ва иқлим шароитларида ўсишга ва юқори ҳосил тўплашга мослашган қатор маҳаллий навларини яратишга эришилди.

Кейинги йилларда интродукцион тадқиқотларда хоризж мамлакатларда тарқалган қўрғоқчиликка, тўпроқ шўрланишига чидамли, юқори озукавий хусусиятларга эга бўлган кўп йиллик озукабоп ўсимликлар ҳам ўрганилмоқда.

Институт томонидан чўл озукабоп ўсимликлари билан узоқ йиллар давомида олиб борилаётган интродукцион ва селекция ишлари натижасида чўл яйловлари ҳосилдорлигини бир неча баробар ошириш имконини берувчи қимматли озукабоп ўсимлик турларининг 15 дан ортиқ истиқболли маҳаллий навлари яратилди. Улар Ўзбекистон Республикасида экиш учун тавсия этилган қишлоқ ҳўжалиқ экинлари навлари давлат реестрига киритилган. Ушбу навлар Қарнабчўл яйловлари ҳосилдорлигини 10-12 маротабага ошириш имконини беради.

Масалан, қора саксовулнинг Нортутя нави узоқ вегетация даврига эга бўлган ва яйловда 60-90 йилгача умр кўрадиган ўсимлик. Қора саксовул одатда қўм тепаликлар қаторлари орасидаги водий-симон паст текисликларда, эски дарё ва сойлар ўзаниларида, нисба-



тан ер ости сувлари яқин жойлашган ҳудудларда ўсади ва илдиизи ер ости сувларигача етиб боради.

Терескеннинг истиқболли “Тўлқин” нави яратилиб, Ўзбекистон ва Россия чўл минтақаларида етиштириш учун районлаштирилган. Бундай ўсимликлар сирасига Камфоросманинг “Соғдиана”, Чўғоннинг “Жайхун”, эркак ўтнинг “Ишонч”, Астрагалнинг “Оқтоғ” навлари ҳам киритиш мумкин.

Институтимизда яратилган истиқболли навлар иштирокида чўл ҳудудларида юқори ҳосилли кўп компонентли яйлов агрофитоценозларини яратиш технологиялари ишлаб чиқилган. Ушбу технологияларга асосланиб яратилган яйлов агрофитоценозларининг ҳосилдорлиги гектаридан 15-25 центнерни ташкил қилади.

Бундай агрофитоценозлар кўзги-қишқи мавсумларда чорва ҳайвонларини яйловда тўйимли озиклантириш имконини беради.

Умуман, вилоятда чўл ва ярим чўл яйловлари ҳосилдорлигини кескин оширишнинг илмий асосланган ва тажрибада синаб кўрилган имкониятлари мавжуд. Бу имкониятлардан самарали фойдаланиш орқали чорвачилик маҳсулотларини ишлаб чиқаришни кўпайтириш ва чўл ҳудудларида яшаб келаётган халқимизнинг турмуш фаровонлигини ошириш мумкин.

А.РАБИМОВ,
Қоракўлчилик ва чўл экологияси илмий-тадқиқот
институти бўлим мудир.

РЕКЛАМА, E'LO'NLAR, BILDIRISHLAR / MUROJAAT UCHUN TELEFON: 66-233-91-56

DA'VOLAR BO'LSA...

Samarqand shahrida xususiy amaliyot bilan shug'ullanuvchi notarius Jo'rayev Kamoliddin Muhiddinovich notarial idorasida marhum Maxmudova Jamila Gulamovnaga (2014-yil 14-martda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Jo'rayev Kamoliddin Muhiddinovich notarial idorasiga murojaat etishlarini so'raymiz.

Manzil: Samarqand shahri O'zbekiston ko'chasi, 35-uy.

Samarqand shahrida xususiy amaliyot bilan shug'ullanuvchi notarius Isoqulova Nigora Turdiqulovna notarial idorasida marhum Glushko Sergey Ivanovichga (2025-yil 5-fevralda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Isoqulova Nigora Turdiqulovna notarial idorasiga murojaat etishlarini so'raymiz.

Manzil: Samarqand shahri Abu Rayhon Beruniy ko'chasi, 12-uy.

Samarqand shahrida xususiy amaliyot bilan shug'ullanuvchi notarius Azimova Kamola Hamzayevna notarial idorasida marhum Muratov Xudonazar Bozorovichga (2024-yil 26-yanvarda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Azimova Kamola Hamzayevna notarial idorasiga murojaat etishlarini so'raymiz.

Manzil: Samarqand shahri Buyuk Ipak yo'li ko'chasi, 18-uy, 51-xona.

Payariq tumanida xususiy amaliyot bilan shug'ullanuvchi notarius Muhammadiyev Farhod Jo'raqulovich notarial idorasida marhum Muhammadiyev Yuldosh Pardaboyevichga (2021-yil 23-fevralda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Muhammadiyev Farhod Jo'raqulovich notarial idorasiga murojaat etishlarini so'raymiz.

Manzil: Payariq tumani Chelak shaharchasi, Istiqlol ko'chasi, 73-uy.

Samarqand shahrida xususiy amaliyot bilan shug'ullanuvchi notarius Azimova Kamola Hamzayevna notarial idorasida marhum Fazilov Musin Muminovichga (2024-yil 2-fevralda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Azimova Kamola Hamzayevna notarial idorasiga murojaat etishlarini so'raymiz.

Manzil: Samarqand shahri Buyuk Ipak yo'li ko'chasi, 18-uy, 51-xona.

Samarqand shahrida xususiy amaliyot bilan shug'ullanuvchi notarius Nishonova Umida Ismatillayevna notarial idorasida marhum Pulatov Xamit Kudratovichga (2025-yil 27-fevralda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Nishonova Umida Ismatillayevna notarial idorasiga murojaat etishlarini so'raymiz.

Manzil: Samarqand shahri Rudakiy ko'chasi, 132-uy, 2-xona.

Jomboy tumanida xususiy amaliyot bilan shug'ullanuvchi notarius Mamatqulov Otabek Bolbekovich notarial idorasida marhum Ortikov Baxriddin Anarbeyevichga (2024-yil 5-aprelda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Mamatqulov Otabek Bolbekovich notarial idorasiga murojaat etishlarini so'raymiz.

Manzil: Jomboy tumani Saroy ko'chasi, 15-uy.

TOPGANGA MUKOFOT

Turakulov Murodillo Abduikromovichning O'zbekiston Respublikasi shaxs guvohnomasi (2023-yil 28-martda berilgan, AD 2884547) Samarqand tumani hududida tushurib qoldirilgan. Ushbu guvohnomani topganlardan mukofot evaziga qaytarishlarini so'raymiz.

Telefon: +99891-228-10-60.

BEKOR QILINADI

Samarqand shahridagi Buronov Azizbek Ulug'bekovich yakka tartibdagi tadbirkorining (JSHSHIR: 52805006180054) dumaloq muhri va burchak tamg'asi yo'qolganligi sababli bekor qilinadi.

O'ttiz mamlakat triatlonchilari Samarqandda bellashdi

23-24-avgust kunlari Samarqandda triatlon bo'yicha «Challenge Samarkand-2025» xalqaro musobaqasi bo'lib o'tdi.

O'zbekiston triatlon federatsiyasi, Sport vazirligi, Milliy olimpiya qo'mitasi, viloyat hokimligi hamda boshqa hamkor tashkilotlar ko'magida tashkil etilgan nufuzli sport turnirida o'ttizdan ortiq mamlakatdan ikki ming nafardan ziyod triatlonchi mahoratini ko'rsatdi.



Musobaqani sprint yo'nalishida havaskor triatlonchilar boshlab berdi. Ishtirokchilar yakkalik va jamoaviy bosqichda 750 metrga suzish, 19 kilometr masofaga velepoymga, 5 kilometrغا yugurish bahslarida bellashdi.

Shundan so'ng bolalar va ayollar poygasi tashkil etildi. Bolalar marafonida 300 nafar bola yosh toifasida 200 metrdan 1000 metrgacha masofani bosib o'tdi. 100 nafarga yaqin havaskor xotin-qizlar esa 5 kilometrغا yugurdi.

Kunning ikkinchi yarmida triatlon bo'yicha O'zbekiston chempionati bo'lib o'tdi. Mamlakat birinchiligidan ishtirokchilar "Elite" toifasida 1,9 kilometr suzish, 86 kilometr velosiped poygasi, 21,5 kilometr yugurish, "Sprint" yo'nalishida esa 750 metrga suzish, 19 kilometr velepoymga va 5 kilometrغا yugurish bahslarida mahoratini ko'rsatdi.

Erkaklar o'rtasida Sulton Aliyev, ayollar bahsida samarqandlik Alina Hakimova finishga birinchi bo'lib yetib keldi. "Sprint" yo'nalishida Azizillo Abdulhodieyev marra chizig'ini birinchi bo'lib bosib o'tgan bo'lsa, ayollar o'rtasida Shahribonu Absalimovaga teng keladigani topilmadi.

24-avgust kuni turnirning asosiy bahslarida pro-

fessional va havaskor triatlonchilar o'rta masofaga - 1,9 kilometr suzish, 86 kilometr velosiped poygasi, 21,5 kilometr yugurish bo'yicha kuch sinashdi. Ishtirokchilar "Silk Road Samarkand" xalqaro turizm markazi hududi, eshkak eshish kanali, shuningdek, "Boqiy shahar" majmuasi va Samarqand shahrining tarixiy maskanlari bo'ylab belgilangan masofalarni bosib o'tdi.

Natijalarga ko'ra, professional sportchilar bahsida erkaklar musobaqasida Buyuk britaniyalik sportchi Vill Draper, ayollar o'rtasida ispaniyalik Sara Perez Sala g'olib bo'ldi.

O'zbekistonlik professional triatlonchilar mazkur bahslarda ishtirok etmadi.

Havaskor sportchilar o'rtasida esa yakkalik, jamoaviy va turli yosh toifasida g'oliblar aniqlandi.

Musobaqa g'olib va sovrindorlariga tashkilotchilar tomonidan pul mukofoti hamda esdalik sovg'alari topshirildi.

Marosimda O'zbekiston triatlon federatsiyasi rahbari V.Mahmudov, «Challenge family» musobaqalari bosh direktori Jort Vlam, viloyat hokimi vazifasini bajaruvchi A.Boboyev ishtirok etdi.

F.FAXRIDDINOV.



bayram tomoshasi bo'ldi

23-avgust kuni kechki payt Samarqand shahridagi Registon maydonida O'zbekiston Respublikasi Mustaqilligining 34 yilligi munosabati bilan "Dron shou" bo'lib o'tdi. Turli rangdagi chiroqlar o'rnatilgan dronlar yordamida O'zbekiston Respublikasi davlat ramzlari, tarixiy obidalar, inson qiyofasi, meva hamda boshqa narsalarning shakllari namoyish etildi.

Shouni tomosha qilish uchun maydon hamda uning atrofidagi ko'cha va xiyobonlarga samar-

qandliklar, mahalliy va xorijlik sayyohlardan iborat 20 mingdan ziyod kishi to'plandi.

- Samarqanddagi tarixiy obidalarni ziyorat qilish uchun kelgandik, - deydi qoraqalpog'istonlik Salomat Mamadaminova. - Ikki kundan beri shahar va uning atrofidagi diqqatga sazovor joylarni tomosha qilaypmiz. Registonda tashkil etilgan "Dron shou" ham juda boshqacha bo'ldi.

To'liq SIDDIQOV.

DOSTAVKA

Rus tilidan o'zlashgan so'z bo'lib, tovarlarni belgilangan manzilga yetkazish, eltib berish ma'nolarida keladi.

YETKAZISH

"Dostavka" so'zi umumiy ovqatlanish shoxobchalarida, savdo, ishlab chiqarish va xizmat ko'rsatishda, tovar, narsa-buyumlarni yetkazish xizmatlari, reklamalarda, umuman, jonli so'zlashuvda faol qo'llanmoqda. "Yetkazish" so'zi o'zbekcha muqobil sifatida tushunchaning ma'nosini ifodalaydi.

Мулоҳаза

taётган ўнлаб одамлар ҳолатни кўриб туриб, болага "яхшимисан?" демади. Рост, мен ҳам ўша йўловчилардан бириман. Хўш, биз нима учун бундай ҳолатларга одатланиб қолдик?

Биринчидан, ҳозирги кунда одамлар кундалик ҳаёт билан жуда банд: иш, даромад, бола-чақа, кредит... Бу югур-югур инсонни нафақат жисмоний, балки руҳий жиҳатдан ҳам чарчатади. Шунинг учун кўпчилик ўзи билан ўзи овора.

Иккинчидан, интернет ва ижтимоий тармоқлар одамлар ўртасида тўғридан тўғри мулоқотни, борди-келдини камайтирди. Гўёки меҳр-оқибат, бағрикенглик тушунчалари ҳақиқий ҳаётда эмас, экран орқали намён бўлаётгандек.

Учинчидан, урф-одат ва қадриятлардан узоқлашиб борапмиз. Замонавий ҳаёт, «оммавий маданият» қадриятларимизга соя солмоқда. Натижада "биз" эмас, "мен" деган қараш шаклланыпти.

Тўртинчидан, одамлар бир-бирига ишонмай қўйди. Чунки кейинги вақтда кимдир ёрдам бериб, ўзи алданди ёки жавоб олмади. Натижада "мендан нимадир сўрайди", "яна алданаман" каби ҳаёллар кўпларни узоқлаштириб юборди.

Нима қилиш керак?

Одамлар бир-бирига суянмайдиган жамият емирилади. Бефарқлик эса катта ижтимоий муаммога айланади. Инсонларда давлат ва жамиятга нисбатан ишонч йўқолади. Буларнинг олдини олиш учун эса аввало, ҳар ким ўзгаришни ўзидан бошлаши лозим. Бунда биринчи навбатда оилада ва мактабдаги тарбия муҳим. Чунки фарзандларимизни "фақат ўзини ўйлаш"дан кўра "бoshқалар учун керак бўлиш"га, яхшилик қилиш, ёрдам қилини чўзишга ўргатиш керак.

Ҳурмат-эътиборга эга одамларни намуна қилиб кўрсатиш, жамиятни ўйлашга ундаш, шунингдек, қадриятларни тиклаш, ҳашар, қўшничилик, ҳам-жихатлик, меҳмондўстлик бизни ўзга халқлардан ажратиб турадиган бойлигимиз. Уларни унутиш ўзлигимизни йўқотиш эканлигини тушунтириш керак. Ўйлаб кўрайлик, агар биз ҳам "менга нима" десак, эртага ўзимиз ёрдам сўраганда бизни ким эшитида?

Фазлиддин РЎЗИБОЕВ.

Сўнгги пайтда Самарқанд шаҳрида пештоқига «сарпо машинаси», деб ёзиб қўйилган ва юкхонаси тўрт тарафлама ойнаванд машиналар ҳаракатлана бошлади. Ушбу машиналар турмуш қураётган келин-кўёвларнинг сарполарини тегишли манзилларга етказиб бериш билан шуғулланади. Албатта, яхшигина хизмат ҳақи эвазига!

Луқма



Сарпо машинаси

миллий қадриятларимизга мос келадими?



Бу хизмат келин бўлишлар хонадонидан фотиҳа тўйи бўлиши мўлжалланган ресторан ёки тўйхонагача келиннинг сарполарини (кейинги пайтда кўёв бўлишнинг кийим-кечаги ҳам қўшилган) олиб бориш ҳамда қайтариб келишдан иборат.

«Сарпо машинаси» келин (кўёв) бўлишга аталган сарпо кийимларини юклаб олиб, маҳалла кўчасининг бошидан охиригача товуш чиқарувчи сигналларни босгани ҳолда паст тезликда юриб ўтади. Бу билан «сарпо машинаси»даги буюм ва кийим-кечак кўни-қўшига кўз-кўз қилинади ҳамда маърака манзилига етказилади. Фотиҳа тўйи тугагач, яна маҳалла

аҳли назарини қаратган ҳолда белгиланган хонадонга олиб борилади.

Бу «янги одат» халқимизнинг миллий қадриятларига мос келармикан? Албатта, йўқ. Чунки асрлар мобайнида шаклланган миллий-маънавий қадриятларимиз, урф-одатларимиз ва анъаналаримизда бундай келин сарпосини кўз-кўз қилиш ҳамда келин кийимлари билан элга макташниш ўдми бўлмаган. Аксинча, момоларимизу оналаримиз келин сарполарини «кўз тегиб қолади», дея сандиққа жой-

лаб, ёмон ниятли кишиларнинг назари тушишидан асраган.

Бугун эса келин сарполарини (ҳатто ички кийимларини ҳам) маҳалладошлар ва қавму қариндошларга мактаб кўрсатиш одатга айланиб бормоқда. Бу «одат» тўй қилаётган оилалар бюджетига ҳам зарар етказмоқда.

Шундай экан, маҳаллалар фаоллари келин сарпосини «сарпо машинаси»да кўз-кўз қилишнинг олдини олишлари лозим.

Йўлдош СУЮНОВ,
«Маънавият фидойиси» кўкрак
нишони соҳиби.

SENTABR OYIDA TAVALLUD TOPGANLAR

1-SENTABR

Yo'ldosh ESHBEK – 1950-yilda Ishtixon tumanida tug'ilgan. O'zbekiston Yozuvchilar uyushmasi a'zosi. Shoir.

2-SENTABR

Orif IKROMOV – (1926-1971) Jizzax shahrida tug'ilgan. Filologiya fanlari doktori, shoir.

3-SENTABR

Minhoji G'ULOMOV – (1929-1996) Samarqand shahrida tug'ilgan. Tibbiyot fanlari doktori, akademik.

5-SENTABR

Ravshan MAHMUDOV – (1925-1943) Samarqand tumanida tug'ilgan. Ikkinchi jahon urushi qatnashchisi. Qahramon.

Abduvohid JUMABOYEV – 1950-yilda Payariq tumanida tug'ilgan. Fizika-matematika fanlari doktori.

Murodqosim ABDIYEV – 1963-yilda G'allaorol tumanida tug'ilgan. Filologiya fanlari doktori, professor.

Одамлар бир-бирига ёрдам бермай қўйдими?

Бир пайтлар бир ҳовуч шолини етти қўшнига улашган, бир хонадонда тўй бўлса, бошқасида ош қайнаган халқ эдик. Одамлар сўрамасдан ҳам бир-бирига ёрдам берарди. Ҳозир эса бировдан ҳол сўраш у ёқда турсин, кўриб кўрмасликка оладиганлар кўпайиб кетди.



Илгари маҳаллада бирор хонадонда тўй бўлса, олов ёқишдан идиш-товоқ ювишгача ҳамма ёрдамлашарди. Уй қуриш, йўл таъмири, ариқ қазиш, ободонлаштириш ишларини ҳам барча бирикиб қиларди.

Яқинда маҳалла қабристонини ободонлаштириш учун ҳашар қилинди. Икки кун олдин эса қишлоқдошлар гуруҳига эълон берилди. Бироқ кўпчилик ҳашар куни "ишим бор", "вақтим йўқ" деб баҳона қилиб келмади. Ҳатто айримлар телефонини кўтармасликни афзал кўрди.

Кейинги пайтда ҳурмат, одамгарчилик ва одоб-ахлоқ тушунчалари унутилиб бораётгандек. Автобусга кекса онахон чиқди, ёшлардан бирига яқинроқ турди. Йигит онахонга қаради, аммо жой бериш ўрнига, атайин телефонига тикилиб тураверди. Кондуктор томонидан "Катталарга жой беринг!" деган эътироздан сўнг мажбур бўлиб жой бўшатди.

"Менга нима?", "Нима ишим бор?", деган қараш ҳам кўпайди. Велосипед ҳайдаб кетаётган бола йиқилиб тушди. Унинг тиззаси шилиниб, оғриқдан кўзларига ёш келди. Аммо ўша кўчадан ўтиб-қай-

MUASSIS: Samarqand viloyati hokimligi

Bosh muharrir: Farmon TOSHEV

Gazeta O'zbekiston matbuot va axborot agentligining Samarqand viloyat boshqarmasida 2012-yil 30-martda 09-01 raqam bilan ro'yxatga olingan. Nashr 100. Indeks 438. 13 823 nusxada chop etildi. Buyurtma 397. Hajmi 2 bosma taboq, bichimi A-2

Gazeta haftaning seshanba, payshanba va shanba kunlari chiqadi.

QABULXONA: (66) 233-91-51, REKLAMA VA E'LONLAR: (66) 233-91-56

BO'LIMLAR: (66) 233-91-57, 233-91-58, 233-91-59, 233-91-61

MANZILIMIZ: 140100, Samarqand shahri, Ulug' Tursunov ko'chasi, 80-uy, Matbuot uyi.

Gazeta «Zarafshon» tahririyatining kompyuter bo'limida sahifalandi.

«Noshir lux» MCHJ bosmaxonasida chop etildi.

Korxona manzili: Samarqand shahri, Spitamen ko'chasi, 270-uy.

Bosishga topshirish vaqti: soat 18:30 da.

Bosishga topshirildi: soat 19:00

Navbatchi muharrir:

G'.HASANOV.

Navbatchi:

O'.XUDOYBERDIYEV.


Sahifalovchi:

B.ABDULLAYEV.



Saytimizga o'tish uchun QR-kodlarni telefoningiz orqali skaner qiling

ISSN-201667X



Sotuvda narxi kelishilgan holda